

Mahimong Bag-ong Jerusalem

Basahong Kasulatan: Bug. 3:12; 19:7; 21:2, 9-11, 22; 22:17

I. Alang sa Cristohanong kinabuhi ug iglesiahanong kinabuhi nato, kinahanglan duna tay panan-awon sa Bag-ong Jerusalem—Bug. 21:9-11:

- A. Hinimo ang Bag-ong Jerusalem sa pagkadios ug pagka-tawo nga gisagol, gisakot, ug gitukod pag-usa isip usa ka persona; sama rag kinabuhi, kinaiya, ug pagkaumol ang tanang bahin ug tungod niana hiniusang persona—Juan 14:20, 23; Bug. 21:2-3, 9-23.
- B. Ang Bag-ong Jerusalem maoy kahingpitan sa sentrong panan-awon sa pamatigayon sa Dios ug sa kinahabogang punto sa diosnong pinadayag—vv. 2, 9-11:
 - 1. Ang Bag-ong Jerusalem, ang kinataposang kahingpitan sa Biblia, naglambigit sa Dios nga nahimong tawo ug sa tawo nga nahimong Dios sa kinabuhi ug kinaiya apan dili sa ranggo sa pagka-Dios—v. 2; 3:12.
 - a. Diha ni Cristo, nahimong tawo ang Dios aron himoong Dios ang tawo sa kinabuhi ug kinaiya Niya aron ang nagtubos nga Dios ug ang tinubos nga tawo masagol, maumol nga usa ka persona—ang Bag-ong Jerusalem—21:3, 22.
 - b. Sa kapulihay, mahimong Bag-ong Jerusalem nga tinagik natong tanan ang tulo-usa, walay kataposang Dios, ug mahimo sab tang Bag-ong Jerusalem pinaagi sa kahikayan sa organicong kaluwasan sa Dios—Rom. 5:10; Bug. 3:12.
 - 2. Hinimo ang Bag-ong Jerusalem sa pinili, tinubos, gipanganak pag-usab, gibalaan, gibag-o, gitransporma, gipasama sa dagway, ug gihimayang katawhan nga nahimo nang Dios—Juan 3:6; Heb. 2:11; Rom. 12:2; 8:29-30:
 - a. Kanang gihimo tang Dios nagpasabot nga giumol ta sa nahikay ug nahingpit nga Tulo-usang Dios aron mahimo tang Dios sa kinabuhi ug kinaiya ug mahimong hiniusang pagpadayag Niya sa eternidad—Bug. 21:11.
 - b. Ang pagkahimong Dios sa mga magtutuo kahikayan nga mahingpit sa Bag-ong Jerusalem; kini ang kinahabogang kamatuoran ug kinahabogang ebanghelyo—Rom. 1:1, 3-4; 5:10; Bug. 21:2, 3:12.
 - 3. Ang Bag-ong Jerusalem mao ang hiniusang Dios-tawo—ang pagdako, paglapad, ug pagpadayag sa Dios—ang hiniusang Dios—Rom. 8:29; Heb. 2:10-12; Bug. 4:3; 21:10-11:
 - a. Ang Bag-ong Jerusalem mao ang paglapad ug pagpadayag sa nahikay ug nahingpit nga Tulo-usang Dios ug sa natukod na nga katawhan Niya—vv. 10-11.
 - b. Ang Bag-ong Jerusalem mao ang pagdako ug paglapad sa Dios, ang pagpadayag sa Dios sa eternidad, nga mao ang hiniusang Dios—Gen. 1:1; Juan 1:1, 14; 1 Cor. 15:45; Bug. 22:17.

II. Ang Bag-ong Jerusalem mao “ang pangasaw-onon, ang asawa sa Cordero... ang balaang syudad, ang Jerusalem”—21:9-10:

- A. Nakita ni apostol Juan “ang balaang syudad...[nga] naandam ingon sa pangasaw-onon nga gipatahom alang sa iyang bana”—v. 2:
 - 1. Pangasaw-onon ang Bag-ong Jerusalem, nagpakita nga dili siya materyal nga syudad kondili hiniusang persona nga magtagbaw ni Cristo.
 - 2. Isip pangasaw-onon, ang asawa sa Cordero, ang Bag-ong Jerusalem mao ang walay kataposang kapikas ni Cristo—19:7.
- B. Ang Bag-ong Jerusalem mao ang kinataposang kahingpitan sa diosnong pag-

higugmaay—unibersohanong magtiayon, “magtiayong naghigugmaay sa walay kataposan”—22:17:

1. Ang hisgotanan sa Biblia mao ang diosnong sugilanon sa gugma sa unibersohanong magtiayon; ang lalaki mao ang Dios mismo, ug ang babaye mao ang pinili ug tinubos nga katawhan Niya—Isa. 54:5; Jer. 2:2; 3:1, 14; 31:32; Os. 2:7, 19; Juan 3:29; 2 Cor. 11:2; Bug. 19:7.
 2. Balaknong gipakita sa Awit sa Mga Awit kining diosnong sugilanon sa gugma—1:2; 8:14:
 - a. Niagig kahikayan ang matinguhaon aron mahimong Shulamitanhon, nga hulad ni Salomon ug hulagway sa Bag-ong Jerusalem—6:13, 4.
 - b. Ang Bag-ong Jerusalem hiniusang Shulamitanhon unya, nga maglakip sa tanang pinili ug tinubos nga katawhan sa Dios.
 3. Ang pagkaminyo ug kinabuhi sa kaminyoon ni Cristo naglangkob sa panahon sa iglesia, sa panahon sa gingharian, ug sa walay kataposang panahon:
 - a. Sa panahon sa iglesia, gisaad ta nga ipaasawa ni Cristo—2 Cor. 11:2.
 - b. Ang adlaw sa kasal mao ang panahon sa gingharian sa millennium—Bug. 19:7.
 - c. Ang kinabuhi sa kaminyoon mao ang Bag-ong Jerusalem sa walay kataposan—21:2, 9-10.
 4. Ang Bag-ong Jerusalem mao ang pangasaw-onon sa millennium sa usa ka libo ka tuig nga usa ka adlaw (2 Ped. 3:8) unya ang asawa sa bag-ong langit ug bag-ong yuta sa eternidad (Bug. 21:2):
 - a. Ang pangasaw-onon sa millennium maglakip ra sa madaogong mga balaan—3:12.
 - b. Ang asawa sa bag-ong langit ug bag-ong yuta maglakip sa tanang tinubos ug gipanganak pag-usab nga mga anak sa Dios—21:7.
- C. Gipakita sa Bugna 22:17 nga si Cristo ug ang Bag-ong Jerusalem nga asawa Niya unibersohanong magtiayon sa eternidad:
1. Ang Espiritu, nga kinatibuk-an sa nahikay nga Tulo-usang Dios, mausa sa mga magtutuo, nga hamtong na gyod karon aron mahimong pangasaw-onon Niya—itandi sa Efe. 4:13, 15-16.
 2. Ang kahingpitan sa nahikay nga Tulo-usang Dios ug ang kahingpitan sa pinili, tinubos, gipanganak pag-usab, ug gitranspormang katawhan sa Dios mausa ug mahimong unibersohanong magtiayon nga magpadayag sa Tulo-usang Dios sa eternidad.
- D. Ang mga mananaog sa napahiuling iglesia mao ang Bag-ong Jerusalem sa gingharian sa millennium—Bug. 3:7-8, 12.

III. Ang mananaog sa napahiuling iglesia himoon ni Ginoong Jesus nga haligi nga itukod ngadto sa templo sa Dios, nga mao ang Tulo-usang Dios mismo—v. 12a; 21:22:

- A. Makita nato sa Bugna 21:22 nga sa Bag-ong Jerusalem ang Tulo-usang Dios mismo mao ang templo:
1. Kanang mahimong haligi sa templo ang mananaog nagpasabot nga mahimo siyang haligi diha sa Tulo-usang Dios—3:12a.
 2. Naglambigit kinig pagkasagol ug pagkaumol nato sa Tulo-usang Dios—Efe. 3:16-17.
- B. Gihimo tang mga haligi sa Ginoong sa pagtransporma Niya kanato, sa ato pa, sa pagkuha sa atong natural nga elemento ug pulihan kini sa Iyang diosnong elemento—Rom. 12:2; 2 Cor. 3:18:

1. Ang kahulogan sa *hymoon* sa Bugna 3:12 pag-umol man kanato aron mahimong usa ka butang, pagtukod kanato sa mamugnaong paagi.
 2. Sa iglesiahahonong kinabuhi karon nagtinguha ang Ginoo nga himoon, umolonta nga mga haligi sa templo sa Dios.
- C. Ang buhat sa Ginoo sa napahiuling iglesia pagbuhat man sa Iyang Kaugalingon kanato, pag-umol kanato nga mga haligi sa templo sa Dios—Efe. 3:16-17; Bug. 3:12.

IV. Kaniya nga makadaog diha sa napahiuling iglesia, isulat ni Gi-noong Jesus ang ngalan sa Iyang Dios, ang ngalan sa syudad sa Dios, ang Bag-ong Jerusalem, ug ang Iyang bag-ong ngalan—v. 12b:

- A. Kanang gisulat diha sa mananaog ang ngalan sa Dios, ang ngalan sa Bag-ong Jerusalem, ug ang bag-ong ngalan sa Ginoo, nagpakita nga napanag-iya na sa Dios, sa Bag-ong Jerusalem, ug sa Ginoo ang mananaog; nga iyaha na ang Dios mismo, ang Iyang syudad (ang Bag-ong Jerusalem), ug ang Ginoo mismo; ug nga nausa siya sa Dios, sa Bag-ong Jerusalem, ug sa Ginoo.
- B. Nagpasabot sa Dios mismo ang ngalan sa Dios, nagpasabot sa syudad mismo ang ngalan sa Bag-ong Jerusalem, ug nagpasabot sa Ginoo mismo ang ngalan sa Ginoo—v. 12b.
- C. Kanang gisulat diha sa mananaog ang ngalan sa Dios, ang ngalan sa Bag-ong Jerusalem, ug ang ngalan sa Ginoo, nagpakita nga naumol na tanan nganha sa mananaog ang pagkamao sa Dios, ang kinaiya sa Bag-ong Jerusalem, ug ang persona sa Ginoo—Juan 14:19-20, 23; Efe. 3:16-17.
- D. Ang paghisgot sa Bag-ong Jerusalem isip ganti alang sa mananaog nagpakita nga matuman kining saara sa gingharian sa millennium; ang Bag-ong Jerusalem sa millennium ganti sa mga mananaog ra—Bug. 3:12b.